



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1589. usque ad annum 1595 - Una Cum Criticis R.P.
Honorati A S. Maria Carmel. Discalc. Observationibus In Historiam
Ecclesiasticam Abbatis Fleurii

Fleury, Claude

August. Vind. [u.a.], 1772

VD18 90118669

§. 65. Historia hujus Pontificis.

[urn:nbn:de:hbz:466:1-67252](https://nbn-resolving.org/urn:nbn:de:hbz:466:1-67252)

sione oriuntur, die quinto Decembris ^{Sæcul. XVI.}
 Cardinalis Cremonensis in summum ^{A.C. 1590.}
 Pontificem eligebatur, postquam hæc
 comitia duos omnino Menses demptis
 tribus diebus tenuere.

§. LXV.

Historia huius Pontificis.

Hic idem neo-electus Papa Grego- ^{Ciac. l. c.}
 rii XIV. nomen assumpsit, antea
 vero Nicolaus Sfondratus nominatus:
 filius is erat Francisci Sfondrati Nobilis
 Cremonensis, celebris Causidici, & Me-
 diolanensis Senatoris, qui post Annæ
 Vicecomitis uxoris suæ mortem a Pau-
 lo III. Pontifice Mediolano Romam ac-
 cersitus Cardinalitia dignitate honora-
 tus est: ejus autem Filius Nicolaus
 Cremonæ die tertia Februarii Anno
 Salutis nostræ millesimo quingentesimo
 trigesimo quinto natus, cum in lucem
 immaturo partu editus fuisset, ejusque
 Mater in puerperio decessisset, semper
 corpore imbecillis, ac teneræ admo-
 dum habitudinis erat: nihilominus Pa-
 tavii, & Perusiæ sedulam civili juris-
 prudentiæ operam navans Doctoratus
 laurea decoratus est, ut quondam Me-
 diolanensis Senatoris dignitatem, quâ
 ejus Parens florebat, promereri posset:
 cum tamen longe vehementiorem ani-
 mi propensionem ad sacram militiam in

H 3 semet-

Sæcul. XVI. A.C. 1590. semetipso experiretur, hinc relicto forensi strepitu, primo Abbas, ac demum cedente Friderico Cæſio Cremonenſis Episcopus ſalutabatur, qua etiam dignitate conſpicuus a Pio IV. ad Tridentinum Concilium decretus ibidem iis adhærebat Episcopis, qui reſidendi neceſſitatem ex lege divina Præſulibus impositam cenſebant. Poſtea ſuo animi candore, ac actionum integritate ſibi benevolentiam Gregorii XIII. conciliabat, a quo etiam Romana Purpura honoratus eſt eodem tempore, quo anno Chriſti milieſimo quingentieſimo octogieſimo tertio ſacrum Collegium tot Purpuratis auctum eſt, qui poſtea tanquam Pontifices Eccleſiam illuſtrarunt.

§. LXVI.

Inaugurationis ſolemnia.

Ciac. l. c.

Quamprimum Gregorius XIV. Pontificatum adeptus erat, mox Cardinalium unicuique mille aureos donari juſſit, ut expenſas durantibus comitiis factas reſarcire poſſent: inſuper in egena monaſteria largas eleemoſynas diſtribuit: demum die octava Decembris a Cardinale Auſtriaco, Conſtantienſi Episcopo, ac ſanctæ Eccleſiæ Romanæ Archidiacono inauguratus eſt, ubi ad feſtivas populi acclamationes ſæpius ſubridere videbatur, quod tamen nequa-